

Izvještaj o radu Uprave policije MUP-a Kantona Sarajevo za mjesec oktobar 2022. godine

KRIMINALITET

STATISTIČKI POKAZATELJI

U mjesecu oktobru 2022. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovana su 302 događaja sa obilježjem krivičnog djela (što je za 76 ili 20,1% manje u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 149 ili 49,3% je evidentirano po poznatom izvršiocu, a 153 ili 50,7% po nepoznatom izvršiocu.

Od ukupno 153 događaja sa obilježjem krivičnog djela evidentiranih po nepoznatom izvršiocu, naknadno su rasvijetljena 73 događaja ili 47,7% što je za 25% više u odnosu na uporedni mjesec.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 235 obavijesti (24 manje) o događajima u kojima je pričinjena neznatna materijalna šteta.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA
U MJESECU OKTOBRU 2022./21. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
OKTOBAR 2022. GODINE	302	149	153	73	34	205	4	107	68
OKTOBAR 2021. GODINE	378	193	185	42	39	231	8	111	110
<i>uporedba</i>	-76	-44	-32	31	-5	-26	-4	-4	-42
	-20,1%	-22,8%	-17,3%	73,8%	-12,8%	-11,3%	-50%	-3,6%	-38,2%

U toku mjeseca oktobra ove godine prijavljeno je 205 lica (26 manje), od kojih je 107 povratnika (četiri manje) (ili 52,2% od ukupnog broja prijavljenih lica), četiri maloljetnika (četiri manje), a 68 lica je lišeno slobode (42 manje).

Za događaje sa obilježjem krivičnog djela, koji su evidentirani u mjesecu oktobru 2022. godine, prema izjavama oštećenih lica, nastupila je materijalna šteta u ukupnom iznosu od 636.599,00 KM.

TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU OKTOBRU 2022./21. GODINE
NA PODRUČJU KANTONA SARAJEVO PREMA KRIVIČNOM ZAKONU FBiH-a I KZ BiH

KZ FBiH-a i KZ BiH-a	OKTOBAR 2022. GODINE	OKTOBAR 2021. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvjetljenih događaja	
			+ / -	%			broj	%
Protiv života i tijela	35	21	14	66,7%	29	6	7	116,7%
Protiv slobode i prava čovjeka i građanina	36	23	13	56,5%	33	3	4	133,3%
Protiv spolne slobode i morala	1	1	0	isto	1	0	0	---
Protiv braka, porodice i mladeži	23	27	-4	-14,8%	23	0	0	---
Protiv zdravlja ljudi	20	22	-2	-9,1%	20	0	0	---
Protiv privrede, poslovanja i sigurnosti platnog prometa	1	0	1	---	1	0	0	---
Protiv imovine	149	231	-82	-35,5%	14	135	58	43%
Protiv opće sigurnosti ljudi i imovine	10	8	2	25%	1	9	4	44,4%
Protiv sigurnosti javnog prometa	11	13	-2	-15,4%	11	0	0	---
Protiv pravosuđa	1	9	-8	-88,9%	1	0	0	---
Protiv javnog reda i pravnog prometa	5	11	-6	-54,5%	5	0	0	---
Protiv podmićivanja i KD protiv službene i druge odgovorne funkcije	3	7	-4	-57,1%	3	0	0	----
Krivična djela protiv privrede i jedinstva tržišta te krivična djela iz oblasti carina (KZBiH)	1	0	1	---	1	0	0	---
Dogovor, pripremanje, udruživanje i organizirani kriminal (KZBiH)	5	0	5	---	5	0	0	---
ZONDINOIM-a (Sl.novine Kantona Sarajevo br.01/18)	1	5	-4	-80	1	0	0	---
UKUPNO	302	378	-76	-20,1%	149	153	73	47,7%

U mjesecu oktobru 2022. godine u odnosu na isti mjesec prethodne godine, zabilježeno je značajno smanjenje broja registrovanih događaja sa obilježjem krivičnog djela za 76 ili 20,1%. Smanjenja su zabilježena u oblasti protiv imovine (za 82), pravosuđa (za osam), javnog reda i pravnog prometa (za šest), braka, porodice i mladeži (za četiri), itd. dok su značajnija povećanja evidentirana u oblastima protiv života i tijela (za 14) i slobode i prava čovjeka i građanina (za 13 događaja).

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

U mjesecu oktobru 2022. godine evidentirano je 35 događaja sa obilježjem krivičnog djela iz oblasti protiv života i tijela (14 više u odnosu na mjesec oktobar 2021. godine) i to 29 po poznatom i šest po nepoznatom izvršiocu. Evidentirani su slijedeći događaji:

- ubistvo (član 166. KZ FBiH) – tri,
- ubistvo u pokušaju (član 166. u vezi člana 28. KZ FBiH) – jedan,
- ubistvo u pomaganju (član 166. u vezi člana 33. KZ FBiH) – jedan,
- teška tjelesna ozljeda (član 172. KZ FBiH) – 12,
- lahka tjelesna ozljeda (član 173. KZ FBiH) – 17,
- nepružanje pomoći (član 175. KZ FBiH) - jedan događaj.

Nadležnom tužilaštvu podneseni su službeni izvještaji protiv 41. lica, od kojih je 21 povratnik (ili 51,2%), tri maloljetnika, a 12 je lišeno slobode.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 36 događaja sa obilježjem krivičnog djela (13 više) i to ugrožavanje sigurnosti – 32, zlostavljanje u obavljanju službe, neovlašćeno prisluškivanje i zvučno snimanje, neovlašćeno optičko snimanje i nedozvoljeno korištenje ličnih podataka – po jedan događaj, za čije su izvršenje prijavljena 34 lica, od kojih je 14 povratnika (ili 41,2%), a dva su lišena slobode.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu oktobaru evidentirana su 23 događaja sa obilježjem krivičnog djela (četiri manje) i to: nasilje u porodici – 22 i izbjegavanje izdržavanja - jedan događaj, za čije su izvršenje prijavljena 23 lica, od kojih je 12 povratnika (ili 52,2%), a deset je lišeno slobode.

PROTIV ZDRAVLJA LJUDI

Evidentirano je 20 događaja sa obilježjem krivičnog djela iz ove oblasti (dva manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – jedan i
- posjedovanje i omogućavanje uživanja opojnih droga (čl. 239. KZ FBiH) – 19 događaja.

Nadležnom tužilaštvu podneseni su službeni izvještaji protiv 20 lica, među kojima je 12 povratnika (ili 60%) i osam lica je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv M.H.(1964.) zbog postojanja osnova sumnje da su u proteklom periodu u više navrata kupovao opojnu drogu "Marihuanu" od za sada nepoznatih lica, na raznim lokalitetima, istu čuvao u stanu i prepakivao, a zatim vršio prodaju raznim konzumentima na području Kantona, čime bi počinio krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), a protiv 19 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Speed", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU OKTOBRU 2022./21. GODINE

VRSTA OPOJNE DROGE	OKTOBAR 2022.GODINE	OKTOBAR 2021. GODINE
Marihuana (u gramima)	256,117	1.010,109
Marihuana (paketići)	27	2
Heroin (u gramima)	1	---
Heroin (paketići)	3	---
Amfetamin (paketići)	10	1
Amfetamin (u gramima)	620	76,465
Ecstasy (tablete)	---	1
Hašiš (u gramima)	2	---
Hašiš (paketići)	1	---
Speed (paketići)	1	---
Speed (u gramima)	1,959	---
Kanabis (stabljika)	---	1
Kokain (u gramima)	---	0,302
pribor sa ostacima droge (komada)	5	2

Iz oblasti krivičnih djela protiv „privrede“ registrovan je jedan događaj sa obilježjem krivičnog djela sklapanje štetnog ugovora za čije je izvršenje prijavljeno jedno lice.

Takođe, od strane policijskih službenika Sektora kriminalističke policije, Uprave policije MUP-a Kantona Sarajevo, tokom mjeseca oktobra ove godine, zadokumentovani su i događaji sa obilježjem krivičnog djela koji su u vezi sa „privrednim i organiziranim kriminalom“, a svrstani su u druge Glave KZFBiH-a i KZ BiH-a i to: organizirani kriminal iz člana 250. KZ BiH - pet događaja, pranje novca iz člana 209. KZ BiH – jedan, pronevjera u službi iz člana 384. KZ FBiH-a – dva i zloupotreba položaja ili ovlašćenja iz člana 383. KZ FBiH-a – jedan događaj, za koje su nadležnim tužilaštvima podneseni službeni izvještaji protiv 14 lica.

PROTIV IMOVINE

U ovom mjesecu, evidentirano je 149 događaja sa obilježjem krivičnog djela protiv imovine (14 po poznatom i 135 po nepoznatom izvršiocu) što je za 82 ili 35,5% manje u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 75 (28 manje),
- krađa (član 286. KZ FBiH) – 36 (37 manje),
- oštećenje tuđe stvari (član 293. KZ FBiH) – 21 (pet više),
- razbojništvo (član 289. KZ FBiH) – osam (sedam manje),
- prijevara (član 294. KZ FBiH) – tri (dva manje),
- utaja (član 290. KZ FBiH) – tri (tri manje), itd. Nadležnom tužilaštvu podneseni su službeni izvještaji protiv 50 lica, od kojih su 34 povratnika (ili 68%), a 24 su lišena slobode.

Od ukupno 135 događaja evidentiranih po nepoznatom izvršiocu iz oblasti protiv imovine naknadno je rasvijetljeno 58 događaja ili 43% što je za 19,8% više u odnosu na oktobar 2021. godine.

Tokom mjeseca oktobra ove godine 26 teških krađa izvršeno je u poslovne prostore (šest više), 22. u stambene objekte (26 manje), 20 u motorna vozila (otuđenja motornih vozila i “provale” u ista) (deset manje), tri na ulici (dvije manje), itd.

Evidentirano je pet otuđenja putničkih motornih vozila što je za šest ili 54,5% manje u odnosu na uporedni mjesec.

Takođe, u oktobru 2022. godine, pronađena su i vraćena dva motornih vozila od strane policijskih službenika Uprava policije MUP-a KS. Zbog postojanja osnova sumnje da su učestvovali u otuđenju motornih vozila nadležnom tužilaštvu podneseni su službeni izvještaji protiv dva lica.

Evidentirano je 36 događaja sa obilježjem krivičnog djela krađe (37 manje) i to: na ulici – 19 puta, u prodavnicama – šest, u stambenim objektima – pet, na benzinskim pumpama – četiri, itd. odakle su otuđivani mobiteli, novčanici, prehrambeni proizvodi, bicikli, gorivo, itd.

Evidentirana su tri događaja sa obilježjem krivičnog djela teških krađa na naročito opasan ili naročito drzak način (četiri manje), u kojima su izvršiocima, upotrebom fizičke snage (otimanjem i trganjem) u dva slučaja i verbalnom prijetnjom u jednom slučaju otimali torbe, mobitele i nakit. Svi ovi događaji evidentirani su na ulici.

Nadležnom tužilaštvu podneseni su službeni izvještaji protiv tri lica, povratnika u činjenju krivičnih djela, koji su lišeni slobode.

U mjesecu oktobru ove godine evidentirano je osam događaja sa obilježjem krivičnog djela razbojništva (sedam manje), tri po poznatom i pet po nepoznom izvršiocu i to u nadležnosti slijedećih organizacionih jedinica Uprave policije: PU Ilidža - tri (jedan više), PU Novo Sarajevo - dva (četiri manje), PU Novi Grad - jedan (pet manje), PU Hadžići i Trnovo i Sektor kriminalističke policije – po jedan događaj (nije bilo u uporednom mjesecu).

Nadležnom tužilaštvu podneseni su službeni izvještaji protiv osam lica, od kojih su tri povratnika u činjenju krivičnih djela, a šest lica lišeno je slobode. Od ukupno pet događaja razbojništava evidentiranih po nepoznom izvršiocu, naknadno su rasvijetljena tri ili 60% što je za 1,5% manje u odnosu na uporedni mjesec.

Razbojništva su izvršena prijetnjom upotrebe pištolja – dva, prijetnjom upotrebe noža ili drugog oštrog predmeta - četiri i upotrebom fizičke snage – dva puta, a počinjena su na ulici – šest puta, u apoteci i u sportskoj kladionici – po jednom, pri čemu je otuđen novac, mobiteli i jedno motorno vozilo.

PROTIV OPĆE SIGURNOSTI LJUDI I IMOVINE

Iz ove oblasti evidentirano je deset događaja (dva više) i to: izazivanje opće opasnosti – devet i izazivanje opće opasnosti u pomaganju - jedan događaj, a nadležnom tužilaštvu podneseni službeni izvještaji protiv pet lica, od kojih su tri povratnika (60%) i tri su lišena slobode.

Događaji sa obilježjem krivičnog djela izazivanje opće opasnosti evidentirani su na otvorenom prostoru – šest puta i u stambenom objektu – tri, pri čemu je u tri slučaja bačena i aktivirana nepoznata eksplozivna naprava i šest puta je otvorenim plamenom izazvan požar. Posljedice su nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirano je pet događaja sa obilježjem krivičnog djela (šest manje) i to: nedozvoljene držanje oružja ili eksplozivnih materija – tri i nasilničko ponašanje – dva događaja.

Nadležnom tužilaštvu podneseni su službeni izvještaji protiv sedam lica.

1.3. DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu oktobru 2022. godine evidentirana su tri događaja sa obilježjem krivičnog djela, u kojima su učestvovala četiri maloljetna lica. U odnosu na isti mjesec 2021. godine smanjen je broj maloljetnih lica za četiri ili 50%, a broj događaja sa obilježjem krivičnog djela za jedan ili 25%. Prijavljeni maloljetnici su u dobi od 14 do 16 godina, a jedan je povratnik.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MJESECU OKTOBRU 2022/2021. GODINE

mjesec	Broj događaja sa obilježjem krivičnog djela	Broj evidentiranih maloljetnih lica
OKTOBAR 2022. GODINE	3	4
OKTOBAR 2021. GODINE	4	8
uporedba	-1 ili 25%	-4 ili 50%

Događaji sa obilježjem krivičnog djela u kojima su učestvovala maloljetna lica, evidentirani su u sljedećim organizacionim jedinicama Uprave Policije:

- Sektor krim. policije – dva događaja (ubistvo, ubistvo u pomaganju) i
- PU Novi Grad – jedan događaj (teška tjelesna ozljeda).

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca oktobra 2022. godine na području Kantona Sarajevo evidentirana su tri događaja aktiviranja minsko-eksplozivnih sredstava (nije bilo u oktobru 2021. godine), usljed čega je nastupila materijalna šteta. Preduzimaju se aktivnosti na rasvjetljavanju ovih događaja i pronalaženju učinilaca.

U toku mjeseca oktobra 2022. godine evidentirane su dvije anonimne dojave o postavljenoj eksplozivnoj napravi, koje su se odnosile na Općinski i Kantonalni sud (jedna u oktobru 2021. godine). Nakon KDZ pregleda utvrđeno je da su dojave bile lažne. Preduzimaju se aktivnosti na rasvjetljavanju ovih događaja i pronalaženju učinilaca.

POŽARI

Tokom mjeseca oktobra 2022. godine, na području Kantona Sarajevo registrovano je 14 požara (pet više u odnosu na isti mjesec prethodne godine), koji su za posljedicu imali materijalnu štetu.

Prema statističkim pokazateljima, sedam požara je izazvano namjerno, jedan nehatom, jedan zbog tehničkih nedostataka, dok uzroci pet požara spadaju u kategoriju ostalih.

Požari su registrovani u:

- Stambenom objektu - pet puta,
- Saobraćajnom sredstvu - tri,
- Pomoćnom objektu - dva,
- Poslovnom prostoru - jednom,
- Ostalim objektima - tri puta.

Zbog izazivanja požara nadležnom tužilaštvu podneseno je šest službenih izvještaja: pet iz člana 323 KZ FBiH (izazivanje opće opasnosti) i jedan iz člana 301 KZ FBiH (paljevina).

SAMOUBISTVA

U mjesecu oktobru 2022. godine na području Kantona Sarajevo registrovano je sedam samoubistava (isto kao u oktobru prošle godine), koja su izvršena: vješanjem - četiri puta, skakanjem sa visine - dva puta i upotrebom vatrenog oružja - jednom.

Izvršioi su: pet osoba muškog i dvije osobe ženskog spola.

Muškarci su starosne dobi: 24, 29, 38, 51. i 63 godine, dok su osobe ženskog spola starosne dobi: 33 i 51. godina.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeta su tri pištolja, jedna puška, šest noževa, 305 komada municije različitog kalibra i četiri predmeta podobna za nanošenje tjelesnih ozljeda.

Fizičkim licima izdata su 173 odobrenja za nabavku vatrenog oružja i 204 oružna lista.

JAVNI RED I MIR

U toku mjeseca oktobra 2022. godine u oblasti protiv javnog reda i mira evidentirana su 462 prekršaja (189 ili 69,2% više u odnosu na isti mjesec 2021. godine), a za izvršenje navedenih prekršaja prijavljeno je 476 lica (175 ili 58,1% više), od čega je 119 povratnika u činjenju prekršaja.

Zbog učinjenih prekršaja u oblasti protiv javnog reda i mira izdata su 402 naloga i podneseno je 60 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 423 prekršaja (ili 91,5%), a na prekršaje koji su utvrđeni Odlukom općinskih vijeća o javnom redu i miru 39 (ili 8,4%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi preko 36 godina (252), između 26 i 35 godina (122), između 19 i 25 godina (101) i do 18 godina (jedno).

Prilikom narušavanja javnog reda i mira u mjesecu oktobru 2022. godine, nije bilo teže povrijeđenih lica (isto kao u oktobru 2021. godine), dok je 12 lica (dva više) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA MJESEC OKTOBAR 2022/2021.GODINA

STRUKTURA PREKRŠAJA	oktobar 2022.	oktobar 2021.	uporedba
UKUPNO prekršaja	462	273	+189 ili 69,2%
UKUPNO lica	476	301	+175 ili 58,1%
Prekršaji prema Zakonu JRiM:	423	258	+165 ili 63,9%
<i>-Tuča</i>	40	29	+11 ili 37,9%
<i>-Naročito drsko ponašanje</i>	42	44	-2 ili 4,5%
<i>-Odbijanje naređenja i omalovažavanje pol. služb.</i>	29	22	+7 ili 31,8%
<i>-Prosjačenje</i>	181	87	+94 ili 108%
<i>-Uživanje opojne droge na javnom mjestu</i>	41	12	+29 ili 241,7%
<i>-Svađa, vika, nepristojno ponašanje</i>	12	15	-3 ili 20%
<i>-Ostali prekršaji</i>	78	49	+29 ili 59,2%
Prekršaji prema Odluci općinskih vijeća o JRM	39	15	+24 ili 160%

Iz tabelarnog pregleda vidljivo je, da je tokom mjeseca oktobra 2022. godine, u odnosu na oktobar prethodne godine prema strukturi prekršaja povećan broj:

- prosjačenja za 94 ili 108%,
 - uživanja opojne droge na javnom mjestu za 29 ili 241,7%,
 - ostali prekršaji za 29 ili 59,2%,
 - prekršaji koji su regulisani Odlukom općinskih vijeća za 24 ili 160%,
 - tuča za 11 ili 37,9% i
 - odbijanje naređenja i omalovažavanje policijskih službenika za sedam ili 31,8%,
- dok je smanjen broj prekršaja:
- naročito drsko ponašanje za dva ili 4,5% i
 - svađa, vika, nepristojno ponašanje za tri ili 20%.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (439 ili 95% od ukupnog broja), a znatno manje u ugostiteljskim objektima – osam, u školama i školskim dvorištima i u trgovinama i zanatskim radnjama – po jedan i na ostalim mjestima 13 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA MJESEK OKTOBAR 2022/2021. GODINE

MJESTO IZVRŠENJA	OKTOBAR 2022.	OKTOBAR 2021.	uporedba
Ulica i drugi otvoreni prostor	439	247	+192 ili 77,7%
Ugostiteljski objekti	8	5	+3 ili 60%
Vozila javnog saobraćaja	---	1	-1
Škole i školska dvorišta	1	---	+1
Trgovine i zanatske radnje	1	1	isti broj
Ostala mjesta	13	19	-6 ili 31,6%
UKUPNO	462	273	+189 ili 69,2%

U odnosu na isti mjesec 2021. godine, povećan je broj prekršaja evidentiranih na ulici i drugim otvorenim prostorima za 192 ili 77,7%, u ugostiteljskim objektima za tri ili 60%, u školama i školskim dvorištima za jedan, dok je smanjen broj prekršaja na ostalim mjestima za šest ili 31,6% i u vozilima javnog saobraćaja za jedan, a broj prekršaja u trgovinama i zanatskim radnjama ostao je isti.

Na području Kantona Sarajevo u mjesecu oktobru 2022. godine održano je 379 javnih skupova (123 ili 48% više u odnosu na mjesec oktobar 2021. godine). Policijski službenici Uprave policije proveli su planske aktivnosti za bezbjedno održavanje javnih skupova i izvršili 46 KDZ osiguranja.

SAOBRAĆAJ

Na području Kantona Sarajevo u mjesecu oktobru 2022. godine registrovano je 919 saobraćajnih nezgoda (330 ili 56 % više), od čega je 850 sa materijalnom štetom (322 ili 61 % više) i 69 sa nastradalim licima (osam ili 13,1 % više).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO U MJESECU OKTOBRU 2022./21. GODINE

	oktobar 2022	oktobar 2021	Uporedba
UKUPNO SAOBRAĆAJNIH NEZGODA	919	589	+ 330 ili 56 %
Saobraćajne nezgode sa nastradalim licima	69	61	+ 8 ili 13,1 %
Saobraćajne nezgode sa materijalnom štetom	850	528	+ 322 ili 61 %
POGINULO LICA	0	0	-----
- vozači	0	0	-----
-putnici	0	0	-----
- pješaci	0	0	-----
POVRIJEĐENO LICA	91	79	+ 12 ili 15,2 %
- vozači	45	40	+ 5 ili 12,5 %
- putnici	28	25	+ 3 ili 12 %
- pješaci	18	14	+ 4 ili 28,6 %

U naselju su registrovane 853 saobraćajne nezgode (64 sa povrijeđenim licima i 789 sa materijalnom štetom), van naselja 66 nezgoda (pet sa povrijeđenim licima i 61. sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU OKTOBRU 2022. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
U naselju		13	51	789	853		13	72
Van naselja		1	4	61	66		1	5
Ukupno		14	55	850	919		14	77

Prema kategoriji puta, najveći broj saobraćajnih nezgoda registrovan je:

- na ulicama u naselju - 554 nezgode u kojima su 62 lica povrijeđena (12 teže i 50 lakše),
- na magistralnim putevima - 120 (16 lica povrijeđeno, dvoje teže i 14 lakše),
- na lokalnim putevima - 94 (tri lica lakše povrijeđena),
- na regionalnim putevima - 42 (dva lica lakše povrijeđena),
- na putevima koji se ubrajaju u kategoriju ostalih - 109 (osam lica lakše povrijeđeno).

POSLJEDICE SAOBRAĆAJNIH NEZGODA

Tokom mjeseca oktobra 2022. godine, u saobraćajnim nezgodama na području Kantona Sarajevo 91. lice je povrijeđeno (12 ili 15,2 % više), od čega 14 teže (tri ili 27,3 % više) i 77 lakše (devet ili 13,2 % više). Poginulih lica nije bilo (isto kao u oktobru prošle godine).

LICA POVRIJEĐENA U SAOBRAĆAJNIM NEZGODAMA

Od ukupno 91. povrijeđenog lica u mjesecu oktobru 2022. godine, evidentirano je: 45 vozača (šest teže i 39 lakše), 28 putnika (dva teže i 26 lakše) i 18 pješaka (šest teže i 12 lakše).

Starosna struktura nastradalih lica u saobraćajnim nezgodama je slijedeća:

- ispod šest godina - dva lica,
- od 6 do 17 godina - 10,
- od 18 do 20 godina - 11,
- od 21 do 24 godine - četiri,
- od 25 do 30 godina - 12,
- od 31 do 40 godina - 20,
- od 41 do 50 godina - 16,
- od 51 do 65 godina - 12,
- 66 i više godina - tri,
- Nepoznata starosna dob - jedno lice.

Starosna struktura nastradalih vozača u saobraćajnim nezgodama je slijedeća:

- od 18 do 23 godine - pet lica,
- od 23 do 30 godina - 10,
- od 30 do 40 godina - 11,
- od 40 do 50 godina - 12,
- od 50 do 60 godina - četiri,
- 60 i više godina - dva,
- Nepoznata starosna dob - jedno lice.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, uzroci saobraćajnih nezgoda su:

- neprilagođena brzina - 128 (23 lica povrijeđena, dva teže i 21. lakše),
- uticaj alkohola - dvije nezgode (bez nastradalih lica),
- neispravan pneumatik- dvije (bez nastradalih lica),
- ostali uzroci - 787 (68 lica povrijeđeno, 12 teže i 56 lakše).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca oktobra 2022. godine, policijski službenici Uprave policije MUP-a Kantona Sarajevo kontrolisali su:

- 19.903 vozila i vozača (2.638 više),
- 8.575 lica u vozilima (4.272 više),
- pregledali 426 vozila (206 više) i 317 lica u vozilima (147 više).

Zbog tehničke neispravnosti iz saobraćaja je isključeno 39 vozila (šest manje), 385 vozača je zatečeno da upravljaju vozilom pod dejstvom alkohola (89 više), 470 lica bez korištenja sigurnosnog pojasa (110 više), 179 vozača bez položenog vozačkog ispita (65 manje), 64 vozača pod izrečenom zaštitnom mjerom (13 manje), 399 vozača je zatečeno da koriste mobitel tokom vožnje (38 više) i 237 vozila koja su učestvovala u saobraćaju bez važeće registracije (85 manje).

Zbog kršenja propisa iz oblasti sigurnosti saobraćaja uručeno je 19.667 prekršajnih naloga vozačima (2.934 ili 17,5 % više u odnosu na mjesec oktobar prošle godine) i podneseno 229 zahtjeva za pokretanje prekršajnog postupka (34 ili 12,9 % manje).

Tokom mjeseca oktobra 2022. godine, nije bilo oduzimanja motornih vozila od višestrukih povratnika u vršenju prekršaja iz oblasti ZOOBS-a.

MIRUJUĆI SAOBRAĆAJ I KONTROLA PJEŠAKA

Policijski službenici su tokom mjeseca oktobra 2022. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručeno je 10.917 prekršajnih naloga (2.284 više), upozoreno je 240 vozača (šet manje), a specijalnim vozilom "pauk" premješteno je 98 vozila (isti broj).

Takođe, pješacima koji su kršili propise uručena su 154 prekršajna naloga (104 više), a upozoreno je 18 pješaka (četiri više).

ZAKONITOST U RADU

Tokom mjeseca oktobra 2022. godine, nisu registrovani napadi na policijske službenike Uprave policije MUP-a Kantona Sarajevo (isto kao u oktobru prošle godine).

Takođe, nisu registrovani slučajevi upotrebe sile od strane policijskih službenika Uprave policije MUP-a Kantona Sarajevo (u istom mjesecu prošle godine registrovan je jedan slučaj upotrebe sile).

Razmatrano je 29 predavki na rad policijskih službenika. Nakon razmatranja Odbor za žalbe javnosti Skupštine Kantona Sarajevo donio je zaključak da se za 14 predavki (dvije manje) provede unutrašnja istraga, dok je za 15 predavki odlučeno da se izvrše provjere i prikupi dokumentacija.

Od 29 razmatranih predavki, 15 je podneseno od strane građana, dok 14 predavki predstavljaju saznanja iz službe.

Okončano je 14 unutrašnjih istraga među kojima je osam neosnovanih, dvije istrage su osnovane, za dvije nije bilo dovoljno dokaza, u jednom slučaju postupak je obustavljen, dok je u jednom slučaju stranka odustala od žalbe.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su i tokom mjeseca oktobra 2022. godine provodili aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policijci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

Po pitanju prevencije i koordinacije Rada policije u zajednici sa vladinim i nevladinim organizacijama kao i implementacije javnih kampanja s ciljem podizanja svijesti građana o važnosti jačanja partnerskog odnosa između policije i lokalne zajednice, organizovane su brojne aktivnosti.

Policijci u zajednici su pratili poštivanje izrečenih zaštitinih mjera od strane Općinskog suda u Sarajevu iz oblasti nasilja u porodici. S tim u vezi, obilazili su i kontaktirali žrtve nasilja kao i nasilnike, kako bi osigurali poštivanje izrečenih mjera, veći stepen sigurnosti za žrtve i preventivno djelovanje na eventualno ponavljanje nasilja.

Policijci u zajednici su takođe ostvarivali kontakte sa građanima iz reda romske populacije i migrantima, s ciljem preventivnog djelovanja na pojavu narušavanja javnog reda i mira prosjačenjem, kao i eventualnog činjenja krivičnih djela krađa i drskih krađa.

MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo, u mjesecu oktobru 2022. godine, u prihvatnim, azilantskim i imigracionim centrima boravi cca 2.034 migranta (336 ili 19,8% više u odnosu na oktobar 2021. godine).

Tokom mjeseca oktobara 2022. godine migranti su učestvovali u tri događaja sa obilježjem krivičnog djela (jedan ili 25% manje) i to:

- Teška krađa (čl. 287. KZ FBiH),
- Razbojništvo (čl. 289. KZ FBiH),
- Izazivanje opće opasnosti (čl. 323. KZ FBiH)

Policijski službenici Uprave policije MUP-a Kantona Sarajevo su u mjesecu oktobru 2022. godine kontrolisali 19 migranata, od čega dvojica nisu posjedovala registracijski obrazac, a jedan je smješten u prihvatni centar na području Kantona Sarajevo.

**TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI
NA PODRUČJU KANTONA SARAJEVO U OKTOBRU 2022. GODINE**

MJESEC OKTOBAR 2022. GODINE	KANTON SARAJEVO
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	2.034
UKUPAN BROJ KONTROLISANIH MIGRANATA	19
BROJ MIGRANATA LIŠENIH SLOBODE	3
BROJ KRIVIČNIH DJELA POČINJENIH OD STRANE MIGRANATA	3
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	3
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	0
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	3

Sarajevo, 15.11.2022. godine

Odjeljenje za odnose s javnošću